

兩漢書疏證



兩漢書疏證



吳 沈欽韓撰

衛青霍去病傳

衛媼

索隱云媼婦人老少通稱按廣雅媼謂之妻媼與媼並

兼老少

人奴之生

論衡骨相篇作人奴之道按人奴謂衛媼本主家僮也

費袞梁溪漫志以人奴之爲讀非也

纂之

說文並而奪取曰纂法言問明篇鴻飛冥冥弋人何纂

淮南記論
相與纂之

西至高關

一統志陰山在吳喇城旗西北二百四十里高關塞在

陰山西榆林舊志高關北去大磧凡三百里

遂取河南地

水道提綱黃河正派東北流鄂爾多斯後
旗西北境六十里又分

二支一南支東流一北支北流八十里又分爲二一北

與庫庫池東北流會一東南流南北地百餘里間三渠

並東流二百六十里經鄂爾多斯後旗北境卽古朔方

河南地也最北一派中分復合東至噶扎爾邵山卽陰山

之南大漢得兒山之西南始折東南流又分而合復分

而東南共百三十里至吳喇旗西之墨爾楚克賀邵山

北始折而西南流北派自西來會又西南至几爾哈卽

圖南南派亦自西來會三派復合自古稱南河北河二

派今則三支分合如織

岸頭侯

明志蒲州河陰縣有古岸頭亭

度西河

通典河水自靈武郡西南今靈夏府是便北流凡千餘里過

九原郡唐豐州今在鄂爾多斯右翼後旗界內乃東流自靈武以北漢人

謂之西河自九原以東謂之北河榆林志黃河在榆林

衛北千里自靈夏橫城堡西折而北逕三受降城南中

二城吳喇城西北界東城歸化城西黃河東岸至廢東勝州西亦在歸化城西折而

南入府谷縣屬段州黃甫川東九里其中謂之河套周迴

數千里

榆谿舊塞

元周伯溫扈從詩紀云懷來縣南則榆林驛卽榆谿舊

塞按懷來縣今宣化府屬驛在縣東南三十里秦漢時

爲內地伯溫誤也水經注上郡諸次山水東逕榆林塞

世又謂之榆林山卽榆溪舊塞也自溪西北悉榆柳之
蔽綠歷沙陵屈龜茲縣西北故謂廣長榆也元和志榆
林關在勝州榆林縣東三十里東北臨河秦卻匈奴之
處隋開皇三於此置城明爲榆林衛今爲府一統志在鄂爾多斯
左右翼界內

絕梓嶺

方輿紀要木根山在廢夏州西北一統志夏州故城在
榆林府懷遠縣西梓嶺蓋卽木根山也

破符離

方輿紀要符離塞在豐州河西北明志榆林關西北有

漢書疏證卷二十九

三

川志

符離塞

捕伏聽者

晉書載記石勒爲伏夜牙門孫子謂之伏姦俗謂之夜

不收

李德裕會昌一品集幽州紀聖功碑盡羅服聽伏作服彼誤

子登

西京雜記衛將軍青生子或有獻駒馬者乃命其子駒

其後改爲登

小敵之堅大敵之禽也

曹操注小不能當大也按陳餘所以不肯餌秦注謬

羅姑比

索隱顏氏云羅姑比單于季父名小顏云比頻也按下
文再冠軍無容更言頻

攝聾者弗取

司馬法仁雖遇壯者不拔勿敵荀子議兵服者不禽

過焉支山

寰宇記甘州剛丹縣焉支山一名剛丹山東西百餘里

南北二十里方輿紀要山丹衛東南百二十里

塵皋蘭

廣韻隋文帝置蘭州取皋蘭山爲名九域志蘭州西南
九十五里皋蘭縣有皋蘭山然蘭州西北至甘州千餘

漢書疏證卷二十九

四

川志

里上云過焉支山未審其何以復塵皋蘭也一統志石

門山在河州西南水經注云疑卽皋蘭小門也然此二

說皆非是皋蘭山蓋在張掖塞外

折蘭王

師古云折蘭匈奴姓按元和姓纂漢匈奴四姓有蘭氏

鮮卑慕容氏臣蘭汗皆不復姓匈奴所據非也

祭天金人

按勾踐鑄金事范蠡楚懷王鑄金象諸侯宋康王鑄諸
侯之象及秦鑄金人已見前世匈奴傳五月大會龍城

祭其先天地鬼神玉篇秩胡神也通典視正五品薩寶

視從七品薩寶府祔正云祔者西域國天神佛經所謂摩醯首羅也按既如佛經之言彼所謂天者則自帝釋提桓至四天王皆是武德四年置祔祠及官金人者即匈奴所祠神非佛也

至祁連山

寶宇記祁連山在甘州張掖縣西南二百里東西二百里南北一百里明志甘州衛西北有故祁連城西南有祁連山水地記今張掖縣西百

鯨得

寰宇記甘州張掖縣本漢鯨得縣西河舊事云本匈奴鯨得王所居一統志鯨得故城在甘州府張掖縣西北

漢書疏證卷二十九 五

右千騎將王

史記千騎將得王此文少得字今讀者不便當從索隱說漢將

軍亦有天幸

燕策蘇代使人謂閔王曰齊不勝于晉下此非兵之過齊不幸而燕有天幸也今燕又攻陽城及狸是以天幸自為功也

調離

史記作銅離索隱云漢書傳作雕離今此傳作調離云功臣表作稠雕今表作稠離

武剛車

文選注孫吳兵法曰有巾有蓋謂之武剛車明史兵志景泰三年吏部郎中李賢請造武剛車四圍箱板入處其中下穴銃眼上關小窗環列鎗及長五尺高六尺四寸每車前後占地五步以十兩計一方表四里四十四有六車馬鈔糧器械輜重咸取給焉騎不得衝射不能貫敵若近前火炮齊發奇兵繼出備邊長策莫善於此帝令亟行勞堪憲章類編云車牽制難行至目為鷓鴣車謂其行不得也

車重

曹操孫子注重以大車駕牛養二人主炊家子一人主

漢書疏證卷二十九 六

守衣装

封狼居胥山

魏書高車傳後徙鹿渾海太祖度弱洛水西行襲破之復討其餘種于狼山大破之蓋即狼居胥也

登臨翰海

一統志本朝康熙三十五年二月丙辰 駕親征厄

魯特噶爾丹抵克魯倫河此瀚海東北征時御路也

上諭曰朕所經過之處非大瀚海也西之瀚海較此

更濶然觀之亦非平衍之地山阜連綿沙石間雜自出

喀倫未見寸土其沙亦堅硬履之不陷營中軍士鑿井

甚易一人可鑿二三十處有爲之善達者地窪而潤未
二尺卽及泉有謂之鑿爾者山澗溝涇掘僅尺餘卽可
及泉有謂之布里度者乃叢草積涼水雖有而佳者少
有謂之窺布爾者水流地中以手探之泉卽隨出故野
驛以蹄抉之而飲風土景況一無所取地盡辟石下馬
偶竚立可射之處亦少草則叢生而土高所以縈絆馬
匹又各種野鼠所穿之穴較興安一帶黔鼠之穴更深
殊覺可厭草名頗多有郁爾呼草牛羊駝馬食之最宜
以此稱佳

爲冢象祁連山

漢書疏證卷二十九 七

川文十

元和志霍去病墓在京兆府興平縣東北十九里唐書
李靖傳詔墳塋制度依衛霍故事築闕象突厥內鐵山
吐谷渾內積石山形以旌殊績

起冢象廬山

長安志衛青墓在興平縣東北十五里何焯曰廬山當
在廬山楊雄傳注孟康曰單于南庭山也按唐書貞觀
二十一年以迴紇思結部置廬山都督府方輿紀要實
顏山亦名廬山

最

何休公羊傳注最聚也若今聚民爲授最

莊子德充符
音義最聚也

此總寇擊匈奴之數與樊鄴傳云最者小異
蔡受降城

明志甘州衛東北有古受降城

至余吾

方輿紀要余吾水在廢夏州北塞外

何與招士

褚少孫田仁傳云任安曰將軍尙不知人何乃家監有
詔募樓衛將軍舍人以爲郎將軍取舍人中富給者少
府趙禹得田仁任安曰獨此兩人可耳衛將軍見此二
人貧意不平推此言之事實不知人史言其謙遜猶託

漢書疏證卷二十九 八

川文一

語耳

董仲舒傳

廣川人也

方輿紀要廣川城在冀州肅強縣東北十八里繁露五
行對河問獻王問溫城董君則仲舒爲廣川溫城人也
地理志無其縣攷水經注桑林舊溝又東逕修市縣故
城北王莽更曰居監俗謂之溫城非也地理風俗記曰
修縣西北二十里有修市城故縣也按修市縣屬渤海
郡以俗稱溫城證之則修市縣卽溫城所改其後割屬
渤海耳於明爲景州

州西北有
修市故縣

三年不窺園

論衡儒增篇言不窺園菜實也言三年增之也潛夫論

讀言篇董仲舒終身不問家事景君明終年不出戶庭

按御覽六百四十一引漢書曰十年不窺園圃乘馬三

年不知牝牡殆誤也入四百四十引作鄒子曰云云攷劉

知幾史通敘事篇董生乘馬三年不知牝牡翟公之

門可張雀羅亦以為班馬二史則傳說之誤久矣

陵夷至于桀紂之行

言周道陵夷世主之行類桀紂故下文五百年之間

用先王之樂

墨翟三辨武王事成功立因先王之樂又自作樂名曰象

不能粹美

漢書疏證卷二十九 九

繁露實性篇性質無教之時何遽能善善如米性如禾

禾雖出米而禾未可謂米也性雖出善而性未可為善

也

唯治者之所鑄

管子任法篇堯之治天下也猶埴之在埴惟陶之所以

為猶金之在鑪冶之所以鑄

王者承天意以從事

文子上德篇陽滅陰萬物肥陰滅陽萬物衰故王公尚

陽道則萬物昌尚陰道則天下亡

一元之意

重政篇惟聖人能屬萬物于一而繫之元也是以春秋

變一謂之元元猶原也其義以隨天地終始也又玉英

篇知元年志者大人之所重小人之所輕

迺可鼓也

淮南記論道猶金石一調不更事猶琴瑟每絃改調亦

見

文子上

義篇

結綱

文子上德篇臨河欲魚不若歸而織網

舜遊巖即

說苑君道舜左禹右皋陶不下堂而天下治韓非內儲

夷射醉甚而出倚于郎門又說疑郎中日聞廣雅廊舍

也即同廊

見素王之文

家語太史子餘之言也春秋演孔圖樂出周亡改作春

之春秋素王之業也諸春秋制素王授富與也論衡孔子

子之傳書素王之事也鶡冠子王鈇篇素王內帝之法

莊子天道玄聖素王之道殷本紀伊尹從湯言素王乃

故綱

素王

達巷黨人

孟康云項橐本秦策甘羅之言蓋師說相傳以為達巷

黨人天中記引圖經云橐魯人十歲而亡時人尸而祝

之號小兒神一統志達巷在兗州府濰陽西北五里

曾子曰

語見大戴曾子疾病篇師古云曾子之書殆不曉其出

而望文為解

善言天者必有徵于人善言古者必有驗于今

語本荀子性惡篇驗彼作節

寢明寢昌之道

說苑敬慎篇大功之效在于用賢積道寢章寢明衰滅

之過在于得意而怠浸蹇浸亡蹇當作驚損也

然後知仁誼

漢書疏證卷二十九

士

呂覽有度篇通乎性命之情而仁義之術自行矣

予之齒者去其角

見大戴易本命篇又呂覽博志篇有角者無上齒

而為庶人行者

新語懷慮篇據士子明治國治眾者不可以圖利治產

業也則教化不行而政令不從

泄庸

吳語作舌庸

史稿未上

張懷瓘書斷引如淳注與師古語同又引姚察曰草猶

龜也龜書為本曰稟按史記屈原列傳屈平屬草稟未定

呂步舒

鹽鐵論孝養篇呂步舒弄口而見戮

繁露

西京雜記董仲舒夢蛟龍入懷乃作春秋繁露詞

司馬相如傳

學擊劍

學擊刺之法莊子說劍日夜相擊于前吳越春秋越處女曰竊好擊之師古謂遙擊而中非斬刺也此等謬說

漢書疏證卷二十九

士

不知何來

武騎常侍

其官與李廣李蔡同亦即中被選者耳云秩六百石謬

奏琴

廣雅奏進也

琴心文選琴賦注列仙傳涓子著天地人經三十八篇其

琴心三篇有條理焉

甚都

淮南詮言始于都者常卒于鄙新書匈奴篇竊四牡載

練蓋從數騎御參乘雖單于之出入不輕都此矣

文君久之不樂

西京雜記相如初與卓文君還成都居貧愁懣以所著鷄鵲裘就市人陽昌貰酒與文君為歡既而文君抱頸而泣曰我平生富足今乃以衣裘貰酒遂相與謀于城都賣酒

當盧

莊子大宗師音義崔云盧謂之貧與臣瓊注同按世說新語傷逝王濬冲經黃公酒壚下過韋昭漢書注曰壚酒壚也顧謂後車客吾昔與稽叔夜阮嗣宗共酣飲于此壚據彼文則盧非貧也又任誕阮公鄰家婦有美色當壚

漢書疏證卷二十九

主

酤酒語本此

續鼻禪

吳越春秋越王服續鼻著樵頭樵蓋續之誤方言無禪禪謂之禪郭云禪無禪者即今續鼻禪祠亦禪字異耳廣雅松禪幃也

合尚書給筆札

西京雜記司馬相如為上林子虛賦意思蕭散不復與外事相關控引天地錯綜古今忽然如睡煥然而興幾百日而成

割鮮染輪

呂覽當務篇具染而已注染鹽鼓也特牲饋食禮注醢醢者染于醢少牢曰取肝擣于醢

丹青精聖

中山經慈聲之山多白堊黑青黃堊郭云言有雜色堊也

雌黃白垺

索隱白垺出魯陽山正義藥對曰雌黃出武都山谷按吳氏本草經雄黃產山之陽然則雌黃生山之陰也玫瑰昆吾

西京雜記武帝得天馬以玫瑰石為鞍則非火齊珠也

漢書疏證卷二十九

主

上云其石則昆吾非金司馬彪云琨瑀石之次玉者河圖云流州多積石多琨瑀石鍊之成鐵以作劍光明如水精元和志鐵石山在雋州臺登縣東三十里有磐石火鍊成鐵極剛利是此類也

礪石武夫

中山經扶豬之山多礪石郭注與礪同海內經鹽長國有武夫之北郭云此山出美石

諸柘

稽含南方草木狀諸蔗一曰甘蔗交趾所生者圍數寸長丈餘頗似竹斷而食之甚甘窄取其汁曝數日成飴

入口消釋彼人謂之石密

歲折苞荔

釋草歲寒漿注今酸漿草蜀本草酸漿即苦蕒根如荳

芹白色絕苦又云歲馬藍注今大葉冬藍然則二物同

名也

觚盧

史記正作菰盧顧乃改作觚盧設為鬼點可恨

枹栗

西京雜記上林苑有枹栗爾雅翼枹今之槩栗結實似

柿人謂丁香柿李時珍本草司馬光名苑云君遷子似

漢書疏證卷二十九

五

馬奶即今牛奶柿君遷即槩栗

騰遠射干

廣東新語騰射生高要西七十五里騰射嶺狀類沐猴

頭正方髮長丈許覆其面欲有所視輒搖頭以兩手披

之一名騰射上樹甚捷故以名即騰遠也射干蓋佛書

所謂野干也翻譯名義悉伽羅此云野干似狐而小形

色青黃如狗羣行夜鳴如狼廣志云巢于絕巖高木也

蠅蜋

郭璞云似狸長百尋百尋過長郭不為此誕言也釋獸

狸貌似狸彼注山民呼狸虎之大者為狸射說文狸狼

屬謝靈運山居賦注獲似獾而長狼之屬一曰狸廣韻

獲獾長八尺蓋狼類長八尺者已為大矣百尋乃八尺

之誤

干將之雄戟

越絕記寶劍楚王召風胡子而問之曰寡人聞吳有干

將越有歐冶子乃令風胡子之吳見歐冶子干將使作

鐵劍吳越春秋干將者吳人也與歐冶子同師張揖謂

韓王劍師乃無稽語方言三及枝南楚宛郢謂之區戟

注今戟中有小子刺者所謂雄戟也程瑤田戈戟攷今

漢書疏證卷二十九

六

絕乎心繫

毛傳自左膝而射之達于右隅為土殺正義貫心死疾

肉最潔美

縞

廣雅鮮支縞絹也純絳素也絢縞練也縞非絹又非素

也師古注混三為一

扶輿猗靡

淮南修務訓今鼓舞者繞身若環曾撓摩地扶旋倚靡

其物狀模蘇正與此同注皆謬史記郭注引淮南作扶

與倚委

繆繞玉綬

如師古注則綬字當爲綬天官夏采注綬當作綬字之誤也士冠禮及玉藻冠綬之字故書亦多作綬者今禮家定作綬明堂位雜記注並同段玉裁周禮漢讀考曰綬者下垂之意故系於冠纓爲飾者謂之綬旌旗之旄亦謂之綬按士冠禮注綬纓飾左傳子玉爲瓊弁玉纓廣韻纓五色絲飾纓纓子續志華勝上爲鳳皇爵以翡翠爲毛羽下有白珠垂黃金纓纓釵類

勺藥之和具

按此當如文穎晉灼之說文選注李善曰晉氏之說以

漢書疏證卷二十九

七

芍藥爲調和之意枚乘七發曰勺藥之醬然則和調之言於義爲得按韓文公集郾城聯句云五鼎調勺藥注云勺藥字子虛賦及文選凡四見皆音酌畧姚令威曰後語有仍祈卻老藥此當異讀或作芍藥集韻芍藥調和五味也今考集韻十八藥以藥爲部首而下凡兩出一式灼切云藥熟兒一力灼切勺藥調味也以韓證之則當從善說而世間混爲一音皆緣顏師古俗說而誤論衡譴告篇鹹苦酸淡不應口者猶人勺藥失其和也以此證勺藥爲調和之義阿顏又何說之能爲全唐文蕭鄴嶺南節度使韋正貫神道碑云拜京兆尹京師稱

難治公能勺藥其閒安然無一事則見唐人文辭猶能依據古訓不惑俗說自宋元以來師古之庸妄乃墮俗學而鴟張耳

將割

呂覽察本篇嘗一將肉而知一羹之味莊子在宥鸞卷鴞鸞劉向九歎作將圈是鸞將同字

觀乎成山

方輿紀要成山在登州府文登縣東北百五十里海濱斗入海中

浮勃澥

禹貢逆河所淪也詳漢書疏證卷二十九太禹貢逆河所淪也詳漢書疏證卷二十九太

水曰解

青丘

淮南本經訓羿繳大風于青丘之澤又海外東經有青丘國方輿紀要青丘在青州府樂安縣北相傳齊景公嘗敗於此

丹水更其南

南山經丹穴之山丹水出焉而南流注于勃海按上文蒼梧西極方夸廣員不得以上洛之丹水當之宋玉賦丹水湧其左

紫淵徑其北

正義山海經云紫淵水出根者之山西流注河文穎所云按水經注蒲水又南合紫川水水東北出紫川谷寰宇記紫川水源出隰州縣東與黃櫨山相近宜非此也洞冥記以為紫海又寰宇記云丹水在上林南紫泉在上林北又幽州下有紫淵水幽都記云紫水其泥亦紫

鄠鎬潦

長安志豐水出長安縣西南五十里終南山豐谷其源濶十五步其下濶六十步水深三尺自鄠縣界來終縣界由馬坊村入咸陽縣西十一里流至宋村入渭鎬水

漢書疏證卷二十九

五

出長安縣西北十八里鎬池澇水在鄠縣西二里李善注文選曰澇水即澇水也澇水在長安縣南一十里自萬年縣界流入長安國張禮遊城南記注澇水今不至皇子陂水經注澇水上承皇子陂于樊川由瓜州村附神禾塹上穿申店而其原愈高鑿原而通深至八九十尺俗謂之坑河是也

椒邱

離騷馳椒邱且焉止息王逸曰土高四墮曰椒邱按三國志華歆傳注虞溥江表傳曰孫策在椒邱遺虞翻說飲水經注潁水又逕椒邱城下建安四年孫策所築也

寰宇記椒邱城在洪州北水路屈曲一百四十八里按雷次宗豫章記曰孫策破劉勰于尋陽欲謀取豫章太守華歆所築也則椒邱有其地矣

桂林

南山經西海之上多桂又海內南經桂林八郡在賁隅

鮪

御覽九百三十六魏武四時食制曰鮪一名黃魚大數百斤骨軟可食出江陽健為邵晉涵爾雅正義今呼為鯪鯪魚

漸離

史記作漸離說文有漸離西山經英鞮山澆水出焉多冉遺之魚身蛇首六足與漸離聲同

鰓

鮪史記作鰓東山經旄山多鰓魚本草拾遺以為即鰓魚李時珍曰此魚中之下品蓋魚之庸常以供羞食者

又東山經食水中多鰓鰓之魚其狀如犁牛其音如鵠鳴蓋即下文禹禹也通雅鰓如鰓而黑則鰓類也

鰓

廣雅大鰓謂之鰓注郭璞云鰓鰓也一名黃頰按中山

漢書疏證卷二十九

辛

經番條之山減水中多鯨彼注云一名黃頰東山經亦作鯨魚

玉篇鯨黃魚也李時珍曰鯨生江湖中體如鯨而腹平

頭似鯢而口大頰似鮎而色黃鱗似鱗而稍細大者三

四十斤啖魚最毒池中有此不當畜魚亦名鯨魚異苑

云諸魚欲產鯨以頭衝其腹世謂之家魚生母

禹馬鮓鯢

王會解揚州禹馬徐廣曰牛魚也詳上爾雅比目魚謂

之鯢玉篇鮓亦作鮓嶺表錄異比目魚南人謂之鮓

雅作鮓鮓也玉篇鮓魚似鮓無甲與郭解同蓋一物也

山海經作鮓又作鮓說文鮓大鮓也

漢書疏證卷二十九 王

明月珠子

左思吳都賦曜明月于連漪注云濯光珠于麗水又郭

璞江賦王珣海月注臨海水物志曰海月大如鏡白

色正圓嶺表錄異海鏡廣人呼為高葉盤兩片合以成

蚌胎腹中有小蟹子其小如黃豆而蟹足具則明月乃

海月也珠子謂蚌也江賦瓊蚌晞曜以瑩珠

水玉

南山經堂庭之山多水玉

唐渠

西山經松果山有鳥曰鴟渠其狀如山鷄黑身赤足郭

云鴟音形弓之形即此庸渠也與爾雅即鴟名按今太

鴟盧

爾雅鴟頭鴟郭云似鳬脚近尾畧不能行江東謂之魚

鴟御覽引孫炎云鳥鴟也玉篇頭鴟為水鳥而不利子

行御覽九百二十五異物志鴟鴞不生卵而孕雛于池間又

吐身多者八九少者五六相連而出若絲緒水鳥而巢

高樹之上或在窟穴之間

布結縷

一切經音義孫炎云三輔曰結縷今關西饒之俗名句

漢書疏證卷二十九 王

屨草顏注屨草中山經大夫之山其草多鷄鼓

攢戾莎

徐廣云草可染紫爾雅貌莛草郭云可以染紫一名莛

莛今之非也爾雅莛王芻注莛莛也今呼鴟腳莎又

爾雅翼云莎莛莛都似三稜根若附子而多毛謂之香

附子一名雀頭香合和香用之陶隱居以為古人詩多

用之而無識者河中府有綠莎廳景元獻公庭莎記曰

是草耐水草樂延蔓雖拔心隕葉弗之絕也賦以體物

云攢戾莎即蔓布庭階非此草矣

揭車

本草拾遺揭車味辛生彭城高數尺白花

此薑

農桑輯要崔實曰九月藏此薑生薑謂之此薑

薯荷

爾雅翼葉似初生甘蔗根似薑芽其葉冬苦其根爲菹亦可醬有白有赤今人乃呼赤者爲薯荷白者爲覆菹食之赤者勝藥用白者中蠱者服其汁并外其葉即呼蠱主姓名亦王諸溪壽沙蠱輩人家種之辟蛇御覽九葛洪方曰人得蠱取薯荷葉著即席下不便知立呼蠱名又見千寶搜神記歲持若蓀

漢書疏證卷二十九

爾雅翼杜若苗如山薑花黃赤子赤色大如棘子中似荳寇集韻蓀亦作荃楚詞補注陶隱居云東閩溪側有名溪蓀者根形氣色極似石上莫蒲而葉亡如蒲無脊羅願便以爲菖蒲非也

鮮支

非梔子也卽燕支耳崔豹古今注燕支葉似剗花如蒲公出西方土人以染名爲燕支中國人謂之紅藍以染粉爲面色謂爲燕支粉今人以重釋爲燕支非燕支花所染也燕支花白爲紅藍爾雅翼或只謂之紅花大槪三月初種花鮮明日久不乘涼摘取之五月種晚花七月中秋摘深花鮮明日久不黧勝于春種者花生時但作黃色其葉然故又名黃藍

梓種水陶絞去黃汁更薄以清酸漿漿淘之絞如初收取染紅然後更搗而暴之染紅色極鮮明又梓海虞衡志臙脂水色如臙脂出融州桂林屬縣亦有之

黃礫

礫乃蓐之訛說文蓐草也可以染靛黃廣雅荑蓐此草也百官表注晉灼曰盤草出瑯琊平昌縣似艾可染緣地官掌染草注紫荂皆一物云染緣染紫者不若說文之核也師古所云黃屑木陳藏器本草云從西南來者並作屑染黃用之樹如檀非草類也

芋

齊物論狙公賦芋音義司馬曰橡子也邵晉爾雅正義櫟實卽阜斗一名爲橡按後書李恂傳注橡櫟實也

漢書疏證卷二十九

角端

史記作觸郭璞云李陵嘗以角端弓十張遺蘇武是何角端之多耶宋書符瑞志角端日行一萬八千里又曉四夷之語明聖在外明達方外幽遠之事則奉書而至按元史太祖十九年帝至東印度角端見班師耶律楚至東印度駐紮門關有一角獸形如鹿而野尾其色綠作人言獨侍衛曰汝主宜早還帝以問楚材對曰此瑞獸也名角端能言四方諸好生惡殺此天降符以告陛下願承天心以全民命帝即日班師

蛭蛭

海外北經北海內有素獸狀如馬名曰蛭蛭穆天子傳卽卽距虛曰走五百里

象輿

楚辭惜誓篇太一之象輿韓非子過黃帝合鬼神于泰

山之上駕象車

靈園

淮南俶眞訓真人騎蜚廉而從敦園注云敦園似虎而

小一曰仙人名按以似虎者爲是祝敬之字作敬亦爲

伏虎形西山經陸吾神狀虎身而九尾人面而虎爪司

天之九部及帝之圃蓋卽此靈敬

磐石振崖

集韻振同診說文玄服子義非也字當爲啟廣韻十九

漢書疏證卷二十九

引呂氏春秋注殷殷動而喜貌文選注六呂氏春秋

曰舜爲天子輒輒啟啟莫不戴悅今呂覽慎人篇作振

振殷殷集韻啟啟喜而動兒一曰擊也詳此則啟崖者

聲之殷甚也不當爲振集韻十六砂以石致川之廉也

字又作砂與此李奇語合

晶采

韓詩外傳四良玉度尺十似之士不能掩其光御覽百

四璠三采玉也

盧橘

呂覽本味箕山之東青鳥之所有甘橘注應邵所引伊

尹書當是此也青鳥青馬海外東經互見淮南地形說訓作青馬說文盧子下引爲青鳥

文作盧與應劭引同亦不名其何物爾雅翼張勃吳錄

以爲建安郡中有橘各月于樹上覆表之至明年春夏

色變青黑味尤絕美卽相如所云盧橘盧黑色也按其所引見齊民要術彼云蓋近于是非眞以爲上林盧橘也又

號王花木志云蜀之成都臨江源諸處有給客橙一

名盧橘夏冬花實常相繼李時珍本草遂以此爲盧橘

然盧云盧橘夏熟而金橘僅著花于夏不得云夏熟也

按齊民要術裴淵廣州記曰羅浮山有橘夏熟實大如

李剥皮噉則醉合食極甘又有盡橘形色都是甘但皮

厚起臭味亦劣又云盧橘皮厚氣色大如甘正月至二

月漸變爲青至夏熟味亦不異冬時土人呼爲盧橘其

類有七八種不如吳會橘然則相如所云盧橘矣六朝

古書明著如此自來都不曉援據何耶御覽九百六十有橘官置長一人秩三百石主置貢御橘

黃甘

御覽九百六十六晉令曰閩中縣守黃甘吏一人古今注甘

實形如石橘者謂之壺甘按此卽廣州記所云壺橘也

橙核

嶺表錄異枸櫞子形如瓜皮似橙而金色故人重之愛

其香氣京華豪貴家釘盤筵憐其遠方異果肉甚厚白

如蘿蔔南中女工競取其肉雕鏤花鳥浸之蜂蜜點以

七

膽脂擅其妙巧亦不讓湘中人鑲木瓜也按香櫟卽棲也

枇杷櫟柿

西京雜記上林苑枇杷十株索隱說文曰櫟酸小棗也淮南子云櫟棗以爲矜按爾雅邊要棗注云子細腰今謂之鹿盧棗櫟音煙與邊聲近

亭奈

西京雜記上林苑亭十株索隱云司馬彪曰上黨謂之亭奈御覽九百七十四曹昆魏都賦果則谷採山棹廣雅植棹梨也

厚朴

蘇頌本草圖經廣雅謂之重皮春生葉如櫟葉四季不凋紅花而青實皮極鱗皺而厚

隱夫

此聲之異也說文櫟母杔也隱夫卽櫟母釋木作櫟無疵廣雅作枇蓋又爲杔之誤說文繫傳杔木如櫟中寧

櫟櫟

詩山有苞櫟草永疏云秦人謂作櫟爲櫟河內人謂木夢爲櫟椒櫟之屬也幾以爲此秦詩宜從其方土之言

按應劭謂采木又集于苞樹陸璣疏云今柞櫟也徐州人謂櫟爲杔或謂之爲櫟其子爲皐或言皐斗其殼爲汁可以染皐今按應劭云采木卽是皐斗之櫟而師古強改木夢了無可憑也中山經前山其木多櫟爾雅翼櫟似枳棗冬不落政和證類本草櫟子小于椶子味苦溫止洩利皮樹如栗冬月不凋生江南陳藏器本草櫟樹高如冬青不凋

華楓

華當作樺玉篇樺木皮可以爲燭爾雅樺木似山挑鉢室韋國用樺皮蓋屋又隋大葉中汾州起汾陽宮宮南

漢書疏證卷二十九

外平林率是大樺木高百餘尺從行文武皆剗取皮覆

菴舍取脂燒辟鬼一統志樺似山桃皮有紫黑花可裹弓及鞍韁諸物奉天府諸山中最多今吉林烏喇有樺

皮屯設丁壯采其皮進御爾雅楓櫟櫟說文楓木厚葉弱枝善搖一名楓又櫟木葉搖白也徐鍇云木遇風而

翻見葉背背多白故曰搖白也楓木一名櫟櫟義出于

此廣韻釋義云櫟櫟生江上有奇生枝高三四尺生毛一名楓子天旱以泥泥之卽雨則櫟櫟又稱吳徐鍇云今人謂其土櫟爲櫟遇雨則長或三四尺亦曰櫟人

韻落

爾雅注劉子生山中實如梨酢甜核堅出交趾吳都賦

作櫛劉逵注與郭同南方草木狀劉樹子大如李實三月花包仍連著實七八月熟其色黃其味酢煮藏之仍甘好雷與劉同郭云落樓兒爾雅詩大東無浸穫薪陸璣云今柳榆也其葉如榆其皮堅剝之長數尺可爲絙索甌帶材可爲栝器

胥邪

卽柳子樹吳都賦注柳樹似檳榔無枝條高十餘尋葉在其末實大如瓠繫在樹頭如挂物也膚裏有汁升餘清如水美如蜜核作飲器橫表錄異砂磨去其殼皮其欄斑錦文以白金塗之以爲水罐子珍奇可愛

漢書疏證卷二十九

完

仁類

御覽九百七十一李當之藥錄曰檳榔一名賓門嵇含南方草木狀言交廣人凡貴勝族客必先呈此果若邂逅不設用相嫌恨一統志檳榔一名仁類

并闕

御覽九百五十九說文曰櫛一名蒲葵晉令曰其夷民守護櫛皮者一身不輸

梓櫛

玉篇梓仲木名吳都賦平仲君遷劉城曰平仲之木實白如銀索隱曰亦云火棗木一云玉精食其子得爲神

仙也李時珍曰未知說文櫛字一以爲甘櫛夏熟一曰卽今銀杏果否有宅櫛木出宏農山崔豹古今注以櫛木爲無患木按師古所云黃櫛木者陳藏器本草云生商洛山谷葉圓

本黃可染黃色其無患木本草拾遺謂之桓木今之菩提子也李時珍曰樹甚高本枝葉皆如椿特其葉對生五六月間白花結實大如彈丸狀如銀杏及若棟子實中一核似草葉正圓如珠山梅經云疎周之山其木多恒郭云葉似柳皮黃不錯子似棟著酒飲之辟惡氣悅之去垢

機檀核堅正黑卽此也

機檀

通雅聖賢家墓記曰孔子塋中有五味羹檀之屬羹檀

白檀也

漢書疏證卷二十九

平

木蘭

爾雅異木蘭葉似長生冬夏榮常以冬華其實如小柿皮如桂而香生零陵山谷及泰山狀如楠樹高數仞楚詞王逸云木蘭去皮不死洛陽宮殿傳顯賜殿前有之

女貞

李時珍本草女貞木一名冬青女貞葉長四五寸子黑色冬青葉微圓子紅色爲異今人不知女貞但呼爲蠟樹立夏前後取蠟蟲之種子裏置枝上半月其蟲化出延緣枝上造成白蠟民間大獲其利

發飢